



21277

III

Mag. St. Dr.

Kat. komp.
P


fan

*Lamberti Thomae: Olympia mortis in cam-
po Kottfuii ad feratam tumulum Stepha-
ni Radomicki emensa.*

PANEG. et VITAE

Polon. Fol.

№ 1093.



OLYMPIA
MORTIS,

IN CAMPO KOTFICIO,
ad feralem tumulum,

Illustrissimi olim & Magnifici Domini

D. STEPHANI

de Radomicko

RADOMICKI,

CASTELLANIDÆ CALISSIENSIS,

E M E N S A.

Et dum

Cineres Augusti ejusdem Illustrissimi,
in Ecclesia Zerkouiensi,

summo omnium dolore, & magno sepulchrali apparatu
conderentur,

in argumentum debitæ Venerationis,

A

M. THOMA IAMBICKI

*Philosophiæ in Vniuersitate Craconiensi Doctore, in Academia Posna-
niensi Rhetorices Professore,*


lugubri Calamo,

E X H I B I T A.

Anno salutis 1691. Die 22. Mensis Ianuarij

Typis ejusdem Academix Posnaniensis,

Ad Bibliothecam Collegii utraqueque




Venimus in vitam, quidam in herba, alij in
culmo pereunt, pleriq; in maturitate ali-
qua metuntur; & quæ causa quærelæ est?
ante oculos fortis humanæ conditio po-
natur, ita sati & nati sumus.

Lipsius.

Vita nostra nihil aliud est, quàm cursus ad
mortem, & quamvis homines laborent
vt diu viuant, currunt tamen ad termi-
num quem refugiunt.

Marlianus.



21.247 III

JLLVSTRISSIMIS
MAGNIFICIS DOMINIS,
D. MATHIÆ,
D. ANDREÆ ALEXANDRO,
D. VLADISLAO,

de Radomicko

RADOMICCIIS
CASTELLANIDIS CALISSIENSIBVS,
MOSINENSIBVS CAPITANEIDIS.

*Illusterrimi & Magnifici Domini piè defuncti
amantissimis Fratribus.*

Dominis & Patronis Amplissimis.

Olympia Mortis, quæ nunc in KOTECIO
CAMPO, ad feralem tumulum Germani
Vestri Fratris, non sine effuso, lachryma-
rum imbre, spectatis, præcellis nominibus
Vestris sisto. ILLVSTRISSIMI & MAGNIFICI DO-
MINI. Haud enim alibi stationem suam &
metam figere debuerant, quàm ubi infixus
Germani amor, ima viscerum occupavit. Ra-
puit cum atro-x & feralis luctator Libitina ab
oculis Vestris, non tamen ex animorum
Vestrorum medulla. Viuit ille in sacrario pe-
ctoris Vestri, cui eò profundius se infixum
sentit

sentit, quò cum ardentius doletis. Vivit & in posthuma meritorum fama, quam ille emensus est breui compendio vitæ, tot pangyres promeritus, & coronas, quot profudit sudoris & sanguinis gemmas. Acceptate igitur serenâ fronte hæc Olympia, quæ ille cum Orbis stupore, victor non Olympiade, sed momento decurrit; & quæ meus calamus in sinum Vestrûm deponit. Et licet non exæquat immensum gloriæ illius, ac impar sit capiendo ingenti laudum Oceano, nihilominus beneuolo donate illum aspectu, & amplissimi patrociniij pandite locum.

Vestrarum Illustrissimarum
&
Magnificarum Dominationum

Cliens deditissimus

M. THOMAS IAMBICKI

Philosophiæ Doctor, Academiæ Posnaniensis
Eloquentiæ Professor.



OLYMPIORVM MORTIS STADIUM I.

Palmarem in puluere Olympico decurrere circum,

non solus monstrorum domitor Alcides nouit.

Etiā is ferali Libitinæ cursus communis est.

Ita enim hic funestus luctator,

in his Olympijs,

perbellè athletam agit,

Vt nihil vnquam simile, Romanus spectauit Hyppòdromus.

Currit, proh dolor! quasi feruidis agitatus rotis,

minimè veritus perfidos Lescos, cum ferrea semente sibi insidiaturos;

Et quanquam capularis & pallidus sit,

minimè tamen expallet ad luctam;

capulo tenus immite suum ferrum,

citrà metum in meta contorquens.

Quocunq; duntaxat processerit, ubiq; Achaiam & Elidem habet;

tot pugiles animos & animas,

exangui pugno, ad pugnam prouocans.

Theatrum certaminis eius si quæris?

Angulus quilibet Orbis & Urbis,

illi theatrum & catadromus est.

Scenici, Histrici, Megarenses, Piscatorii ludi, illi non placent;

Funebres ad palatum, in quibus

funesta hæc decurrit Olympia.

Ludis suis nihil vnquam simile Græcia dedit,

quàm athletæ huius macellaria palæstra & laniena;

En iam tot Alcides, & lacertosi Herdès,

lacertos suos & robur, non sine rubore

illi submiserunt;

manibus eius, ad manes, inter hæc certamina, detrusi

Spectamus hoc triste spectaculum & tam funesta Olympia;

sed non sine mentis scissura, & aculeo doloris,

ad urnam & umbram Tuam,

ingens CAMPI KOTFICIANI delictum,
& florum gemma,

Illustrissime olim & Magnifice Domine,

STEPHANE

de Radomicko

RADOMICKI,

Castellanida Callisicensis.

Nimirum,

Vix immanem animum ad gloriæ metam urgere capisti.

Vix pulcherrima vitæ Olympia,

per exuenta Martialis arena, virtutumq; stadia decurrere

& ecce potens athleta mors,

plusquam Steropis brachio te prosternit.

O validum impetum! & agoniam!

quæ validas Herodum columnas

in busta sepulchralia trudit.

Needum lachrymarum guttas absterisimus,

adhuc nobis mentium fibræ calenti;

cum vasto sonitu, validus Atlas Sarmatiæ,

benè patrium Cælum, inter tonitrua Martis baiulans,

dulcissimus Progenitor Tuus, corrucrat.

Et ecce doloribus dolores novi incumbunt.

Lachryma lachrymam elicit & urget;

quæ non guttatim aut per stillicidia:

sed totis ostijs in Lechicum Orbem descendit:

cum Tu magnanimus Athleta

Herodum in puncto epitome & coronis

occumbis!

Fors hic fatalis voluerat athleta,

Vt Tu Iulius magnanimum Æneam sequereris;

& Paris Priamum comitareris,

vt sibi in CAMPO KOTFICIO facilius liceret ludere olympia.

Sed

inane votum amisit: an emisit?

Ipsa enim Aboriginum Tuorum virtus,

quibus nec pluma molle, sed plumbo asperum, emetiri stadium,

dulce fuerat.

Te ad æternæ memoriæ tramitem leuat:

Leuat & virtus propria, ad gloriæ metam.

quæ non florum perpluuiâ in Campo Gentilio;

sed spinas & tribulos calcavit.

STA.

STADIUM II.

Celsissimi Radomicciani sanguinis,
aucto per tot sæcula splendore
insignitum.

Augustæ sanguinis Propagini,

ad æternitatis Gades eluctanti,
basilicus planè stimulus est, & palmare priuilegium,
pulchra per Aboroginum natales cunas gradatio.

Non tam altum Nepotes euolant

*per Pyramides, muliebri Babylonico fastu tumentes:
aut per tersum, ad mendacem famam Iouis Olympij, ebur,
quàm, dum Lucina suorum extendit Maiorum lumina.*

Nulquam sæcula Magnum Herculem proclamassent,
quanquam Hydram colubris repullulantem fregit:

ni de Magno Parente Ioue natus fuisset.

Immortalis Achilles nunquam fuisset:

ni de sinu vitreæ Thethydis prolapsus fuisset.

Et Æneas nunquam æneus censeretur:

ni spumæ Venus, ut potè cælestis Dea,

cunabula illi strauisset.

Satis quippè augustum & Diuinum terris genus est.

quod in theatro Orbis,

statim ab aurora vitæ, usq; ad occasum diei Aborigines numerat

& eorum viuam imaginem ad amussim refert.

Multos ex angulis in apricum erumpere videmus,

& illustria tenere:

sed hi velut inania halonum euanescent:

quia solem natalium non norunt.

Mentitus quippè natalium splendor,

non perstringit quenquam, sed perstringitur.

Ad veram lucem aut nascere, aut prodi,

non stirps fortunæ, sed virtutis,

si Magnus ex Maioribus Tuis videri cupis.

& opacarum nubium proles non esse.

Ex hac generis claritudine, & nativæ splendoris luce,

ad metam gloriæ processisti,

olim splendidissimum

KOTFICIANI CAMPI germen,

nunc verò factorum æstu arida labruca,

Illustris

Illustrissime olim & Magnifice Domine

S T E P H A N E

De Radomicko

R A D O M I C K I,

Castellanida Callisiensis.

Magnum ex Maioribus Tuis, sed Maximum ex Teipso,
quis Te non cernit?

*nisi forsan ille, cui profuerat in obscuro suo latuisse
& in Campum Tuum non prodiisse.*

*Iactet ut vult hortorum euanidus cultor Alcinous
exuberantem pomariorum vbertatem.*

Gentilitia Tua Tempe, huic non invident,

Non enim humi repentes myricas,

aut inanes lappas parturiunt,

sed proceras Arbores;

ex quibus Regum solia,

Senatoria Curules, Ducum Clauæ,

Mareschalcorum scipiones,

Sarmaticis Scipionibus

excinduntur.

Campus hic non est theatrum Hyppomenis,

in quo Atalantam comprehendat;

sed Martis & Bellonæ.

in quo cruenta Olympia,

non per delicatam, rosarum Sybaritico luxu torpentium cadem;

sed per truncata hostium cadauera exercet.

Primum huius Kotlicia Gentis Parentem,

in solo solioq; Sarmatico adnenam veneror,

IOANNEM POCHNERVM:

qui primus ex AVSTRIA LIBER BARO

liberrati Polonæ se asseruit:

illius in posteris suis acer vindex futurus.

Placuit illi tot REGVM & PRINCIPVM coloniam

in Poloniam transferri:

neq; soli natalis angustiis detineri,

ni vibrantiorem pupillam, ad solem Sarmaticum explorasset

& Campum Gentilitium in solio liberrimæ Gentis transplantasset.

Fors edoctus,

quasdam plantas non aliter fructificare,

nisi è nativo solo peregrè transplantentur.

Erum.

Erumpit proximè ex hoc fertili nouali,
eximius eiusdem Campi honos,
mirum Parentis spirans virtutum odorem,

H E N R I C V S,

Magnò Æneâ dignus Ascanius:
qui vt Augustissimo sanguini ex æquo responderet;
& ex bicipitis Austriacæ Aquilæ nido recordaretur se evolasse,
in bicipiti Parnasso commorari Filium suum voluit:
vt arte & Marte Kotficijs responderet.
*Pulchrum enim censuit magnanimus Heros,
si Aquila Sarmatica pullus,
cum Minervæ noctua commercium haberet,
quæ ad doctoris Phœbi radios lippire nescit.*
Post prima hæc in CAMPO KOTFICIANO iacta decora,
lunato poplite adorat calamus,
conchiliatas sanctiori ostro vertices:

nempè

I A N I S L A V M

Archiepiscopum Gnesnensem,

H E N R I C I F I L I V M.

Hic

Vt non ex vano in ethymo nominis,
anagrammaticè laudem Sinai præferret,
in primo ætatis flore
Viâ Ardentinâ, ad pietatis aras processit,
flammas Bellonæ exosus.
Maluit inter Flamines, purpureo indutus ostro, versari
quàm inter flammas & strepentes Martis curas.
*Ratus gloriofius episcopali pedo & tiara
terreri hostes Ecclesia,
quàm hastâ aut ense Patrios tueri focos
vt potè totus pietatis focus & Lipara.*
Nec ab eius vestigiis recessit.

B O R I S L A V S,

quem arcano Numinis consilio

C L E M E N S V.

Summus pro tunc Nauiculæ PETRI Nauarchus,
in Archiepiscopum Gnesnensem consecrauit
iactas animi dotes in eo scrutatus,
Dignus enim erat,
vt in eius sinu lilia Gnesnensia,

C

& pur-

& purpurea D. ADALBERTI ROSA requiesceret,
qui plenus odor Kothiciani agri haberetur:

Dignus,

Vt Antecessoris sui vestigia sequeretur.

cuius traducem animam,

non ficta metempsychosi,

in praeordia sua transfuderat.

Huius zelum in promouendo Dei cultu,

si quis scrutatur?

Canobium & Ecclesiam Zninensem Ordin: Prædic:
ingrediatur

Frigida saxa, mutiq; lapides, non sine murmure vocis,
clamabunt eius munificentiam,

quâ plusquam Promethei face animata,

aut Diuinâ Mercurii virgâ erecta steterunt.

Etiam huc passu composito,

Urget pedem & non leues circumfert incessus,

quô duo lumina & columina Kothiciæ Gentis,

sacro murice fulgentia præcesserant.

nimirum

fronde triumphali redimitus tempora lauro,

Musarum Sacerdos,

Præsulum gemma,

Regum & Principum deliciæ, & voluptas,

A N D R E A S

Archiepiscopus Gnesnensis:

Huic facundius cerebrum quam Ioui:

Non unam ille sed millenas,

absq; dolabra Vulcani,

parturire potuit Minervas.

vbi multos Orthodoxæ fidei velificantes libros concinnauit

contra immanem hydram,

nimio fastu ebriam hæresim.

Bicornis eius iaspula, bicipitem Parnassum præferrebat.

in quo laureatus latuisse credebatur Apollo,

& suavi entusiasmo carmina in paginam fundere.

Pulebrum enim est, dum pulbro fœdere

libris ligantur tiaræ,

Et suffragium à capite poscunt.

Regum & Principum consilia,

cò verti videbantur;

quô illius sententiæ autoritas fluctuantes in turbido

decor

detorquebat animos,
Tota Reipublicæ salus, in maturo eius consilio pendebat,
animam suam illum rata;
ni implacabilis Libitina non sine graui cordolio
tempestiuè illum terris eripuisset.
Post hunc felicem
in Gnesnensi Liliæ commorantem ternionem,
an verius Diuinioris Neptuni Tridentem,
(Piscatoris inquam hominum)
Cuiusvis Cathedra ad hæc Olympia venit.
Et hanc gloriari fas sit, lectissimo Kotficiæ agri florè,
& maturo spectatissimæ virtutis manipulo.

HENRICO

Episcopo Cuiaviensi.

Præsulis huius Gentilitio Agro multum debet Cuiavia,
ex quo tot candida manibus sumpsit lilia plenis,
& profusâ liberalitate squallorem templi deterisit.
Terminalem claudit circum,
non tamen terminum scribendi de se,
Sacris Flaminibus adnumeratus
Sacra Themidis tripas,

NICOLAVS

Archidiaconus Posnaniensis, Gnesnensis Canonicus V. I. Doctor.

Hic

profugam Astræam exlo, in Campum Gentilitium deduxit.
Arma sua illius armis superintulit,

vt innueret,

non frustra Gladium, supra Gentilem Campum,

Kotficiis datum esse:

nisi vt quisque sciret, illos esse

asylum innocentie, reorum scopulum.

Illum Tu verè dixisses, Patheon Iuris & Arcopagum Iustitiæ,
qui lynceam in Causis Pontificijs perspicaciam,
tantam habuisse credebatur,

vt Aristorides alter appellaretur.

Sed nec frigidum libertatis Ecclesiasticæ vindicem putat.
Ita enim pro securitate illius sudauit & arsit,

apud

apud Serenissimum olim Regem
ALEXANDRVM I.
dum Privilegia & Statuta Immunitatis Ecclesiasticæ,
contra raptores & inuasores bonorum spiritualium,
approbari curauit.
Post conchyliatas sanctiori dibaphâ Curules, & bicornes vittas,
Vitæ Senatorum & laticlauia,
In hoc Kotficio Campo euoluantur est necesse,
Occurrit primo in vestibulo,
non degener surculus & aureus ramus,

DOBROGOSTIVS
R A D O M I C C I V S:

cuius ethymon nominis,
incorruptam fidem & illibatum amorem,
in Rempublicam testatur:
pro cuius integritate, purpureum cruoris iaculari imbrem,
semper paratus erat,
modò purpurei soles illi affulgerent:
Subsequitur hunc Gratia,

I O A N N E S
K O T F I C Z,

mille in nomine suo & virtutibus spirans Gratias
& lepores.

Nouum cum crederes Amphionem:
qui abrupta montium iuga,
ad condendam de suo nomine Urbem traxit.

I O A N N E M in hoc secutus.
ad cuius vocem, nouo prodigio montana salière,
Vrbesq; turmatim effusæ accurrere.

Quippè
Non suffecerat huic magnanimo Heròi,
immortalium operum gestis famam Venari,
sed etiam ut saxeas montium fibras cruéret,
Et ab informi lapidum pompa,
Et crustatis artificum operibus,
nominis praconium aucuparetur.

Proximus illi in hanc Orbitam Campi descendit,

NICO.

N I C O L A V S

Stabuli Regni Præfectus.

Hunc
Regum aui sui intelligentia, & terribilissima pupilla,

Serenissimus & Inuictissimus,

SIGISMUNDVS I.

Poloniæ Rex,

Augustæ mentis eius indole perspectâ

Officialem Regni creauit.

Giganteos emeritur passus,

in hac Gentilis Campi arena,

Cyneas Sarmaticus,

S T A N I S L A V S

G E N E R A L I S,

P A L A T I N V S,

M A S O V I Æ.

Is Legatus in Gallias,

ad reuocandum de Regno profugum.

H E N R I C V M

V A L E S I V M,

ita attonuit dulciori suadâ, arrectas omnium aures,

vt Sorbonam sorbere stupor & admiratio cæpit.

Didicit tunc Hercules Gallicus,

non sibi tantum aureas inesse catenas,

quibus vinciat aures,

postquam se STANISLAI eloquio arctatum sensit.

Pericleni illum HENRICVS ratus & Orpheum

post quem facillè iuisset, melleâ suadâ delinitus,

ni Patria Regni syren,

dulcibus illecebris & blando lenocinio,

eum ad puppas suas detinuisset.

Sânè.

Docuit hic magnanimus Orator,

non soli Galliæ Liliæto, calenti soli assueto,

rosas & lilia inesse,

sed etiam frigido Sarmatico climati.

lilia & rosas ab ore fundens.

Post hunc

D.

subie

Subit hoc theâtrum Olympiorum.
mens ipsa Martis & Herodum amussis,
HIERONIMVS
RADOMICKI.
Palatinus Inouladislauiensis,
Wschouensis, Mosinensis, &c. &c. Præfectus:
atque ita subit,

*Vt rigens Moschus, Pontus & Propontis,
ad aspectum eius, velut ad Persei parmam,
abrigescere videatur.*

Ottomanica Luna, faciem inter nubila condit;
Vbi hunc Alcida, in hanc aream Campi,
magnanimo passu descendente videt.

Timet sanè hoc ferale astrum,
nè ab armata manu gladio, Sarmatici Scipionis,
eclipsim patiatur.

& Chotimenses laureas, iterum attentare præsumat.

Murales Ciuicæ, obsidionales coronæ,
huius Capiti non suffecere
cuius Herda mens, palmarum sine numero victrix fuerat.
*nisi ut deposito militari sago,
trabeam honoris, virtutisq; premium indueret.*

Figunt stationem suam firmissimam,
haud retrogradi in factis suis;
sed stationarii in arena Martis,
Gemini Tindaridæ,

MARTINVS & CASMIRVS,
Palatinidæ Inouladislauienses,
clarissima Orbiq; Lechicæ serenæ inuehencia sidera
Primus quidem MARTINVS,
Capitaneus Wschouensis,

non tantum prodromâ Herdicæ mentis virtute;
sed virili facundia ore,

Honoris sui curules prensauit.

Potens enim tanti viri eloquium.

gemmas & aurum fundebat,

quo fluctuantium animorum turbida æstuariâ sedabat,
mille votis inuehens exoptatam malaciam

Nullum enim effatum illius erat,
nullum consilium

quod

quod ardenti suâ persuasione ignem non conciperet

In Consiliariis sulphureum sit ingenium,

quod in puncto flammam concipiat,

Vehemens necesse spiritus.

qui faces in frigida medulla accendat.

Hâc mirâ oris sui maiestate traxit etiam

Serenissimum ac Potentissimum Regem VLADISLAVM IV.

pro cuius Domo in Comitibus restris,
nunquam non disertus & potens detonabat Tullius;

ut ei ceu alteri Hephæstioni,

Lechicus Alexander sua concrederet arcana.

Tantus quippè in hoc Herodè animi candor fuerat;

nullius tincturæ patiens, erga suum Principem

ut nihil unquam erubesceret.

Innatum enim est & fuit omnibus Kotficijs,

[quos longiori ad præsens non teximus elencho]

concolorem votis rebusq; Principis animum semper teneret;

nec vlla arte aut cerussâ pingi,

nisi quam candida sinceritas illeuisset.

S T A D I V M III.

Illustrissimi Parentis virtutum spendores continens.

Hactenus itum est,

per multa Aboriginum Tuorum sæcula,

quorum natus splendor, usq; ad honorum capitolia processit,

& metam non morituræ famæ attigit;

nunc urget & prouocat calamus ad hæc Olympia,

manes iam cælo receptos Progenitoris Tui,

Illustrissimi olim & Magnifici Domini

C A S I M I R I

De Radomicko

R A D O M I C K I,

Castellani Callisiensis

Capitanei Mosinensis &c. &c.

Celsi.

Celsitudini illius nihil super
 quod non excedat.
 nihil excellenti gloriæ comparandum,
 quod non, ceu halo inter nubila dispareat
 antequam in Oratorum calamos influat.
 Encomiorum in eo moles, Atlante Mauritano celsior,
 & ideo pumilionibus Oratorum,
 à longè non nisi viscenda, non metienda.
 Nimirum
 congesta huc omnia, quæ singuli singula fecere,
 Rem lanè
 absq; involucrio, & condito melle Orbi propono.
 Vt enim prætextam hic Maganimus Heros depoluerat,
 & Cracias Athenas dereliquerat,
 Patrijs coarctari finibus, animum non est passus,
 ut potè ad magna natum,
 nì ad peregrinum solem illum explorasset.
 Difficile enim, vel in parua ætate, magni premuntur spiritus.
 Frustra nimirum seras expectes annorum periodos in ijs,
 quibus maiestas virtutis,
 adhuc in rudibus pueritiæ lineamentis,
 non fucatam senij conciliat reuerentiam.
 Placuit CASIMIRO extra fines Patriæ progredi,
 non tam en extra spatium & metam virtutis.
 Ibat ille per exotica climata,
 non ut per populos nosceretur, sed ut notitiam hauriret.
 Longinquas pertransibat regiones,
 non tamen longinquus à se & Patriis moribus.
 Et cum aliorum animi, diuturnà sequestratione à Patria detineretur,
 ille à gravitate Patrii moris, sequestrari non potuit
 cui salus Patriæ intis viscerum medullis hærebat.
 Reduci feliciter in Patriam,
 domestici applausere lares:
 cum sui tenacem, succi CASIMIRVM,
 peregrinæ consuetudinis mixtura,
 nunimè pollutum agnouere.
 Atque
 nè semina virtutis ac scientiæ,
 quæ in umbra Lycei, ac exotico sole iecerat,
 in tenebriorum angulis premeret,
 in publicum solem digressus est
 vsui ac negotijs Respublicæ servire volens.

Amanie

Amavit hunc genium, illius,
ingens Bellatorum corona.

**Serenissimus & Inuictissimus Rex
VLADISLAVS IV.**

sub cuius signis ceu veteranus miles,
robustus acri militiâ puer,
didicit feroces Vexare Moschos.
Nec minori cum complexus est animo.

**Serenissimus & Inuictissimus Rex,
IOANNES CASIMIRVS,**

cui quâvis in ardore belli comes aderat,
Meminere id Berestecenses Cannæ
in quibus huic magnanimo Herôi succreuere laurus.
Armauerat quondam in Lechicum Orbem,
Spartacus ille, infamis Chmielnicius,
ruptis sacramento legibus,
abortivum illud & foedum Moetodis monstrum
Cosacos rebelles.

qui felicissimas Russiæ oras & auream glebam
latè peragratunt & vastarunt.

Contra quam lerneam colluuiem,

Inuictissimus Princeps

classicum belli ciens,

RADOMICIVS non segnius succurrit, quàm adfuit,
nobili succensus calore.

fuit magnarum victoriarum comes,

non vitæ non fortunæ parcens,

ad omnem praelij arenam, benè præparatum pectus ferens.

Stetit hucusq; animosè in illo theatro certaminis,

impavidum pro Patria rotans mucronem,

donec malesanus rebellium furor,

& ferulis armorum rabies succumberet.

His trucibus experimentis animosè confusus,

maiores belli curas sibi somniabat

non ignavus Endymion sed strenuus Hector.

Hæc dum in Martio pectore versat,

ecce Aquilonaris Æolus!

è Finnico Codanoq; sinu erumpens

laceram Lechiæ nauim.

nouis irarum fluctibus quatit.
Percussa tam inopinâ inundatione Lechiæ ratis
ut potè civili Marte fatigata,
vocat magnanimos remiges, qui eam mergi, inter has
procellas non sinerent.

Accurritur undiq; rebus iam in naufragio conclamatis.

Accurrit & RADOMICIVS,

Lechicus Xerxes,

qui intumescanti Baltico mari,

toties ac toties vinula & compedes dedit,

Neptunumq; eius, omnia superbo Tridente quatientem

cum suis Argonautis,

quos proprio arte conduxerat,

creberrimis flagris castigavit.

Nihil enim fuerat huic Lechico Iasoni,

aureum paterna hereditatis vellus dissipare,

nisi ut hunc Pyratam Aquilarem,

sub pelle Leonis grassantem vulpem,

procul ad sua antra & recessus abegisset:

& ludum Patriæ attulisset.

Hæc dum agit:

ecce

Serenissimus & Inuictissimus

IOANNES CASMIRVS,

in præmium virtutis Martialis,

& pios erga Patriam labores,

sagum eius militare & gladium,

Senatoriâ trabecâ adornat, & fascibus:

nimirum Castelleneatu Calistienfi ei oblato.

Sed Martialis genius,

iam Bellonæ curis & sago assuetus,

noluit sub molli purpura delitescere;

ni ad eam prensandam cogeretur:

æquè sibi ducens

in sago tueri Patrios focos, quàm in purpura.

Atq; sic noster Lechicus Achilles,

per truncata hostium cadauera,

& victrices palmas,

ad Senatorias Curules processit:

Ut ostenderet, honores virtute militari non profusis

gazarum emendos esse.

Dilexit tanti Senatoris egregias animi dotes,

Illud

illud breue Orbis Lechici delícium;
iam verò ingens mœroris catapulta,

**Serenissimus & Inuictissimus
MICHAEL I.**

Rex Poloniæ.

cuius fideli operâ in arduis Reip: negotijs vsus est;
roties ac roties cum illo,
per tacitum sermonis nuntium certans.

Sed

non minori quoq; amoris tesserâ,
tanti Senatoris prosecutus est pectus,
illud

salutare Orbis Christiani scutum,
Triumphati Orientis terror & gemitus,
Thraciæ metus Lunæ & flagrum,
Vindex Austriaci Orbis,

**Serenissimus & Inuictissimus
IOANNES III.**

quem accensus face & æstu sitientissimo belli Heros;
ad reprimendum illum Phætontem Vezyrum,
Viennæ mœnia in fauillas conuertentem
secutus erat.

Non poterat contineri Martius ille in RADOMICCIO Vesuuio;
quo fumaret tantò calentius arderetq;

quum Viennæ extremis laboraret,
& manum Epaminondæ Sarmatici præstolaretur,
luc grandævus ille Euander post Lechicum Pallantæ
galeâ premens canos capillos:

Vt Machometanam illam voraginem,
quæ Viennam sorbebat,

in abyssum cruoris præcipitasset.

Stupuit Austriacus Orbis & veneratus est,
in tam tristi & effœto senio.

Vivacem Martis spiritum & fomitem,
cum ruëret totus, quâ confertissimus hostis
Immanes ausus & barbara tela ferebat.

Vos Viennæ mœnia compello?

Date testimonium & fidem!

quomodo RADOMICCIUS,

inter confertissimas acies, supra robur ætatis suæ
pugnâ

pugnauit fortissimè;
donec tumidus Biston corruerit.
Magnus quippè Heros,
ingens æternitatis torcular, & naturæ prodigium,
ita ad Martis negotium natus fuerat.
ut etiam in letho vicina senectute,
nil nisi classicum, palmas & triumphos meditaretur:
quibus ad stuporem Orbis,
emenus est vitam, non spatio viuendi,
sed bellandi

STADIUM IV.

Breuis, sed laudatissimæ vitæ, vir-
tutes & merita piè defuncti continens.

Eluctari ad sublimia & Capitolia gloriæ,
per Aboriginum Ceras,
& alto Endymionis lomno sterteres.
est quasi cereis cum Icaro pennis, in altum nitia.
*Tumor enim est nonnisi, & bulla protuberans,
longiori syllabo claros Aborigines numerare,
si proprius desit meritorum decor.*
Suo quisq; magis, quàm alieno nitere debet.
*Malè solis conceditur gloria Ceris,
ni nascendi fors virtutum splendore excolatur.*
Sæpè vidimus ex alto ruere præcipites in Pontum Icaros,
si tantum Dædaleis, non propriis ferebantur pennis.
Cerrè
Hæsit non vnus in lubrico Hyppomenes,
qui aureis tantum pomis, non pedibus,
Atalantam in cursu comprehendere voluit.
Plurimi Macedones,
in Hesperum, & alta noctis conticinia concessere,
in Bucephalo Orientem gloriæ solem quærentes.
Brauium & coronam nemo Hercules in Olympiis accepit,
qui curru Æmiliani,
non curriculo propriæ virtutis, ad ea processit:
*hic debet quisq; propriis non alienis pedibus,
ad magni nominis agoniam.*
Agnouit id ipsum

Illustrissimus olim & Magnificus Dominus,
STEPHANVS
De Radomicko
RADOMICKI,
Castellanida Callisiensis:

Et idē.

ad immortalitatis metam,
non solum per longam Clarissimæ Propaginis seriem,
ferri voluit;
sed etiam ut propriis virtutum meritis, ad eam eluctaretur,
Voluit ille lumen luminī addere,
serenumq; suum continuare:
non respiciendo retrō ad Maiorum lucem,
Triumphalia Parentis sui gesta,
præcessisse sibi ad exemplum ratus,
non ad gloriam.

Maternæ lucis primigenios splendores,
(quos in præstantissima Lechæi Zodiaci periphæria)
Gentilitius OSSOWSCIORVM Cernuus,
à tot sæculis spargit,
diluculum sibi ad gloriæ metam fuisse credebat;
ni sensim in adultum meridiem gloriæ procederet,
& à propriis meritis lumen quæreret.
Postquam enim infantiles bullas,
& pueriles nuces dereliquerat togamque induerat,
novus Iason in Cracios Delphos,
ad diripiendum aureum sapientiæ vellus mittitur:
nimirum Academiam Cracoviensem.
In hoc erudito Lechæi Orbis senaculo,
Vsq; ad excellentiam ingenii & suaves Musarum delicias,
spei publicæ formatus & firmatus literis crevit,
Ut post hac grande Oraculum sapientiæ
nosceretur.

Sæpè ille ad fumigantes Epicteti lychnos,
in illa ætate, in qua alii ad Orphei neruum eneruantur;
Atticas noctes consumebat, & libris impallesebat:
ut postea in sole publico non expalleseceret.
Mutos quidem Magistros. (libros inquam)
sæpè legebat,
ex quorum silentio, plus se profecisse credebat,
quàm si millenis crepantes buccis audiret Hortensios

Literis probè imbutus,
intra domesticos lares noluit diu detineri;
ni in Martialem arenam digrederetur,
magnitudine animi, & rerum gerendarum ardore summo,
sibi præeunte.

Ergo

*• • Bistonij dum classica saeva Gradiui
Horificis cecinere tubis. - - • - -*

Vt Vienna Solimanni olim Turcarum Imperatoris,
septennalis obsidii euavidus labor,
in offam cederet.

Nobilissimus Sarmatarum RADOMICCVS,
plusquam ad Amphyonis lyram,
anhelitu maximo bellaces spiritus in pectore ciet.

Atq;

*cupiens se præstare virum,
iuit lateris comes, vexilla secutus,*

Serenissimi & Inuietissimi Monarchæ
I O A N N I S III.

nec non magnanimi Aeneæ
nimirum Parentis sui vestigia,
imperterritus Ascanius concomitatus.

Et cum

*dedit immenso tractu certamina Biston.
palmam sibi præripi non est passus;*

satis strenuè, heròice, auguste decertans.

Dic quæso! Viennâ tuis, quidquid sub moenibus actum
quomodo RADOMICCVS anhelabat mucrone cruento,
Viscera Thracum in puncto transfigere.

Illius vna fuit ambitio,

deposcere ardui operis frontem, & discriminis aleam
præireq; fulgentibus armis virisq;
vbi periculum caput:

*donec tumidus Thrax, & totus Oriens,
Ipse sui spoliūq; ingens & fœda vorago, factus fuisset.*

His palmis illectus & triumphis,
ad Strigonienles laureas processit,

*• • • • inuicta gerens præcordia Martis,
Et validos nisus magni pro parte triumphi.*

Atq; si vlsiam certè hic,
grande theatrum virtutis heròicæ, Strigonium sibi fuerat
cum

cum Fortibus ausis toties fugacem
Proponticum Heluonem, Hunnosq; rebelles,
Marte stupendo fugaret.
Tantis decoratus triumphis & onustus palmis,
redux ex Pannonia in Patrios lares reuertitur.
Ergo forsitan iam
RADOMICCI pugnacissima mens & anima,
sibi aliquod respirium dabit,
Vulneribusq; hiantibus Æsculapium admouebit?
minime.
Vix deligitur muneri suppar Fecialis in Moscuam,

Illustrissimus & Magnificus Dominus,

CHRISTOPHORVS

in Grzymultow

GRZYMVL TOWSKI,

Palatinus Posnaniensis,

Capitaneus Stumensis, &c. &c.

illico RADOMICCIVS ca. loca,

Aut sub bellicosissimis triumphis clara
seruare inuolere;

Cynez Sarmatico & Nestori à latere comes!
Non illum angusta saltuum & bitumina paludum
ab hoc itinere arcere potuerunt.

Ibat generoso spiritu & magnanimo pede,
quod Magni Oratoris gressus mouebantur,
rigentis Moschuz pupillas, post se rapiens.

Iple Moschouiticus Imperator,
diu suspensos in illo oculos suos tenuit,
Magnanimæ mentis in eo speculatus actiuitatem.
Sive enim poscebat equum, siue illum regebat
quisque illum Macedonem credebat,
qui totum Orbem olim debellaturus fuerat.

At

sepe spes & vota in herba marcescunt.
Cum enim inuicto animo frigidam regionis inclementiam

RADOMICCIVS tolerat,

redux in Patrios lares, languere capit.

Atq; sic

sensim contabescenribus viribus,
totum deinde animum vertit ad eam,

quam

quam breui initurus esset Æternitatem.
Cumq. iam Originariam terra ad lus suum reuocaret particulā
ad immortalitatis brauium, per tam ampla
Virtutum & meritorum Olympia excessit.
fatis sublatu iniquis.

Hic iam calame
lachrymas non sepiam, in hoc ebore chartæ fundet
cum tam ingens expectatio & spes fidissima Lechi
occubuit.

Plangat Kothicianus Campus,
quod cum amiserit, qui tot laureas virtutum,
& palmas tot decorum, illi inseruit,
& inserturus fuerat
si tantum vitæ, quantum animo licuisset, sibi fuerat.

Procul hinc
festiuos plausus, & lætas acclamationes!
Parentales huc potius nœnias, læssos lugubres congeramus
cum illi parentamus.

cuius spatia meritorum satis amplā,
Virtuti illius angusta fuere,
Meretur certè lachrymas post funera,
qui virius gaudia in omnes dispensauit.
Sed frustra vrgemus singultibus calum
& lachrymis.

Siquidem ille viuit, quem iam mortuum credimus.
Viuit in eo nunquam moritura virtus,
illumq. aget penna motuente solui,
Fama superstes.

Vernabit semper in animis omnium,
quousq. Rosæ Marianæ in Vireto Zerkouienfi,
eius manibus plantatæ, florebut.
Dabit testimonium & fidem eius meritorum.

Ecclesia Obrzyeensis:
in quam ille plusquam Persei imbre,
& riguo auro depluere visus est.
Ipsa hæc Olympia, quæ ille
à calce, ut aiunt, ultra omnem Columnam
extendit, perpetuo laudis Stephanomate
STEPHANVM coronabunt.





Biblioteka Jagiellońska

SIDR0009006

